



計部奏疏

寅

新餉司



計部奏疏目錄

三卷

責成各處買銅解京疏

嚴飭查勘間地疏

派運海糧併發餉銀疏

嚴追天津陸運欠銀報部疏

預備豆船疏

添兵留餉疏

亟賜滇省兵餉疏

催叅拖欠錢糧疏

捐貲助餉疏

選任司屬疏

類報淮津截漕海運完欠疏

請免加派仍歸本部疏

鹽司增餉疏

覆請措餉疏

勅經臣設處冬衣疏

裁冗員省費克餉疏

計部奏疏卷之十三

太子少保戶部尚書婺源汪應蛟輯

責成各處買銅解京疏

題爲荆差誼不容辭荆鑄勢不容往謹採荆紳之

輿言酌以愚臣之微見事艱經始懇祈

聖鑒事專理新餉山東清吏司案呈戶科抄出本部

山西清吏司主事李廷森題前事奉

聖旨該部酌議具覆欽此案照先該本部右侍郎李
題爲速請題差以裕鑄源事實泉局協佐

錢法廣東清吏司員外湯道衡呈稱乏銅在卽
欲照原議差主事李廷森速領

勅書關防前往荊州地方建局鼓鑄仍會同該省撫
按速買銅鉛運京以濟急用等因奉

聖旨是欽此欽遵隨劄付主事李廷森請

勅啓行間今該前因看得荊州爲蜀黔孔道實銅鉛
輻輳之地故先任督理臣王德完建議開廠于
荊買銅于瀘謂就便鼓鑄可收無窮之利不意
旬日間遂有奢酋重慶之變復有安酋貴州之

警道路梗塞商販不行兼以隕陽巡撫臣統兵
移駐府第內監率匠興工荆鮮大郡而供應浩
繁衙署不備此鄉紳太常寺卿朱光祚等揭陳
不便之狀謂司官可以無行者也合無俯順輿
情將本部原題主事李廷森留部辦事姑俟蜀
黔事平另行再議或照陝西開鑄事例聽該省
各道府督理分鑄以便地方行使似亦省官省
費之一策也總聽該省撫臣酌議速奏施行惟
是買銅一節原議應天浙江江西湖廣四省動

支輕資銀各四萬兩行督糧道照依官價每斤一錢五厘買完搭附漕糧船隻解至京師此舊議也奈川黔道梗沙市稀少官開鑪鑄價值騰湧以故半載而來藐無銅斤本部新開四十五爐冷竈無烟工匠八百餘名束手無計不惟內慚職掌外悞軍餉而侍郎新領

專勅幾委之如故紙矣當今之時惟有設法責成於各處平買解用在南京坐南京戶部山西司官一員在江西坐委本部九江鈔關主事在湖廣

卽委荊州府知府轉委廉幹府佐一員各專管收買銅鉛事務其錢糧在南京戶部則動支各項改折應解本部充餉銀五萬兩在江西則動布政司應解本部輕齋銀五萬兩解送九江鈔關主事在湖廣則動布政司應解輕齋銀五萬兩發荊州府各收貯在庫廣招商人多方搜買價值多寡當官裁定稱畢卽時給價不許吏胥各役侵扣分文其九江鈔關主事額解本部錢糧俱從便多買銅鉛照價報部以上俱定限本

年八月內將買過銅鉛數目各差官速解到部
接濟鑄用倘錢糧稽遲責在司府途次延捱攙
換低假責在委官總聽臣部督理侍郎叅究施
行其原議浙江應天動支輕齎銀兩仍照漕規
解部不許遲悞庶幾隨地貿易分官責成寶泉
鼓鑄可接續無窮或于軍餉封疆少有裨益矣
恭候

命下容臣部遵照轉行各該衙門一體遵奉施行等因
天啓貳年陸月初二日具題初五日奉

聖旨是

嚴飭查勘罔地疏

題為罔地清查原失專官近報變價必多隱占乞
嚴旨申飭撫按務分場廠以考定原數別肥瘠以上
下價值定荒存以預杜侵沒庶有裨

國計無縱豪強事專理新餉山東清吏司案呈奉
本部送戶科抄出戶科都給事中周希令題前
事等因奉

聖旨這清查罔地事宜着該撫按官嚴行覈實勿仍
前弊徒擾地方其責成府官併部科分別查叅

俱申飭行該部知道欽此欽遵抄出到部送司
案呈到部看得清查罔地議遣專官臣部于去
春會議之後旋經補牘節奉

聖旨不必差官以滋多事此仍照部議責成七府推
官查勘之繇也近據應天巡撫王象恒咨報應
天府推官劉鏗勘過上元等八縣地一千二百
五十七頃一畝七分變價二萬五千六十二兩
七錢六分零太平府推官胡永順勘過當塗等
三縣地六百八十三頃八十一畝三分一厘

變價三萬六千三百九十一兩五錢零鎮江府
推官許其孝勘過丹徒等三縣地一百五十二
頃零變價六千四百六十二兩五錢七分又據
鳳陽巡撫李養正咨報淮安府推官劉之鳳勘
過海州等十一州縣地五百九十二頃七十一
畝九分零變價二千七百二十七兩二錢九分
六厘零徐州知州汪心淵等勘過本州及四縣
一十二頃八十畝七分零變價八百一兩二錢
九分各造清冊到部臣等備查

大明會典內載嘉靖十年勘定原額較今次數目應
天府屬原係一千四百四十五頃五十畝零而
今失額一百八十八頃五十畝淮安府屬原係
七百九十二頃八十四畝零而今失額二百頃
一十三畝此查勘之最略者也太平府屬原係
六百二十二頃六十畝而今溢額六十一頃二
十一畝零鎮江府屬原係一百五十一頃八十
一畝零而今溢額一頃零此查勘之稍詳者也
其廬鳳揚三府滁和二州尚未報到正擬分別
駁催而科臣疏上所稱舊誌係先年讀中秘書
曾見其本今已無處可尋止記場廠二地約有
六十萬頃則出

會典原額之外尚當百倍是故請行覆覈非用科
臣三法不可具一分場廠以考定原數目舊誌
有牧馬場息馬廠二地今如應天淮徐皆謂之
場太平鎮江謂之廠間有錯稱場廠者總之疑
于互溷應行厘別要見某爲場地若干頃畝某
爲廠地若干頃畝各求原額分明可也其一別

大明會典內載嘉靖十年勘定原額較今次數目應
天府屬原係一千四百四十五頃五十畝零而
今失額一百八十八頃五十畝淮安府屬原係
七百九十二頃八十四畝零而今失額二百頃
一十三畝此查勘之最略者也太平府屬原係
六百二十二頃六十畝而今溢額六十一頃二
十一畝零鎮江府屬原係一百五十一頃八十
一畝零而今溢額一頃零此查勘之稍詳者也
其廬鳳揚三府滁和二州尚未報到正擬分別
駁催而科臣疏上所稱舊誌係先年讀中秘書
曾見其本今已無處可尋止記場廠二地約有
六十萬頃則出

會典原額之外尚當百倍是故請行覆覈非用科
臣三法不可具一分場廠以考定原數目舊誌
有牧馬場息馬廠二地今如應天淮徐皆謂之
場太平鎮江謂之廠間有錯稱場廠者總之疑
于互溷應行厘別要見某爲場地若干頃畝某
爲廠地若干頃畝各求原額分明可也其一別

肥磽以上下價值謂上肥有八九兩一畝者限入官五兩中肥有四五兩一畝者限入官三兩磽者照畝一兩最磽者又減其十之三及鳳陽廬州不得與應天揚鎮諸府比云本部先照科議每畝約價一兩見據冊報惟太平所屬三縣與應天府六合一縣上等有一兩以外者其鎮江徐州與應天府句容縣溧陽等縣上等止于一兩淮安所屬與應天府上江二縣上等止于二錢似乎取數太少應將科臣今議前數行撫

按確覆酌增大都少抑豪民多取腴地較之加派窮壤尺寸不遺相去有間科臣之見如此是在撫按加意行之者也其一定荒存以預杜侵沒謂除開墾變價外仍查荒存若干立冊在卷俟續有開墾另作處分臣部原題已是如此近日冊報四至俱明但今別查場厰須定某爲場地荒存四至某爲厰地荒存四至可也而科臣三法之外臣等亦有說焉此地一勘于弘治二年再勘于嘉靖十年至今而三矣嘉靖十年之

勘

會典載有頃畝科臣以爲開墾之額非場厰原額
弘治二年之勘

會典不載頃畝而

實錄載是年七月甲申兵部主事湯冕陳言馬政
內請遣官清查鑄地名頃畝四至于石識之于
各府州縣公衙俾永有證據兵部覆奏從之八
月辛卯太僕寺卿王霽又言閱實原額四至村
封墩植榆柳立界至以專收放如侵占之家已

成水陸田地卒難更改者令照例起租兵部覆
奏從之是則欲勘原地但問府州縣公衙弘治
二年刻石在否此一法也問寺固有誌矣直隸
府州縣亦各有誌先年清丈田畝又有魚鱗冊
近日各府州縣刻有賦役書彼去其籍者能去
之于問誌而未必能盡去之于種種誌書是則
欲勘原地但取種種誌書圖冊參伍相較又一
法也臣等又查

會典南京御馬監有草場屬各衛所徵租錦衣衛

有牧象草場屬太平寧國高塘等處徵租七郡
賦役全書內載江浦六合等縣有民牧馬草場
軍牧馬草場富蕪繁等縣有兵部草場南京兵
部青峯草場黃馬羣場玉臉驍驍陸戶等羣場
是則南直草場地土甚多分隸衙門亦異單勘
問地或易閃爍于別衙門地土中惟盡舉所云
草場勘之而爲郡爲寺自無所逃又一法也若
謂場厰二地各有分方不宜互見與夫六十萬
頃不止五千餘頃爭差百倍豪強隱占盡在此

中則查江南腴地從來隱占誠多廬鳳拋荒正
項不能耕墾必無餘力隱占此地就彼先勘場
厰二地果否分殊嘉靖頃畝有無同異而後反
證江南理勢自見又一法也以臣等之四議佐
科臣之三法設誠行之前地自可畢得撫按仰
遵

明旨嚴行覈實勿擾地方其責成府官併部科分別
查叅一依科臣原疏毋徇鄉紳面情而後
國家毋聽豪強詭沒而累下戶併南都仕官作南

問寺者的係何人侵占若干地土務要盡數查
出一體變價陞科其承委官清出變價溢數會
請優異失額過多指名糾參自奉

新命爲始可也若見今查勘失額如應天推官劉煌
淮安推官劉之鳳本應參罰溢額如太平推官
胡永順鎮江推官許其孝本應旌異但所據者
嘉靖十年之額與科臣所見舊誌未符相應待
覆覈后另議旌罰卽應天巡撫王象恒近有將
變價銀抵各府加派之請亦俟覈實完日查果

溢額數多另從酌議可也恭候

命下臣部移咨應天鳳陽二處撫按知會遵守嚴限
覈報施行等因天啓二年六月初五日具題于

本月初十日奉

聖旨是欽此

派運海糧併發餉銀疏

題爲派運海糧應援孤旅事專理新餉山東清吏
司案呈奉本部送戶科抄出督餉省直巡按監
察御史江日彩題前事內開據專理遼餉兵備
道副使錢士晉呈稱近經略具題兵部覆疏議
調淮兵給發銀兩火器盔甲以資聲援疏內坐
派津屬發糧豆三十萬石航海接濟列款開宜
乘夏餉舟蚤發糧價早給運額速定運官速定
以至申明功罪畫一米色速定運脚無不具載

言音奏疏 卷之三
要將毛師速行接濟早發糧價早發餉舟惟在
早行庶無耽悞等因題奉

聖旨該部作速議覆欽此欽遵抄出到部送司查得
餉臣疏內事理已經奉

旨今日之料理似不容稍緩其應行事宜已具餉臣
疏中無容再議惟是糧價餉舟最爲吃緊由夏
及秋亦無多時查天津今春有收買現在米豆
有僱募憤海民船合無移咨本部督餉部院行
令該道選用堅固民船若干隻先裝米豆若干

萬石併發餉庫銀三萬兩於內聽買布若干疋
星夜督發至登州乘今風順作速渡海接濟其
餘米豆銀兩候御史游仕任准船過津酌量續
發似爲妥便案呈到部該臣看得毛文龍以孤
軍深入海外而能獎率諸軍義激同仇其志誠
壯今之往來波島而寄食屬國其接濟誠不容
緩但臣部先已奉

旨差官解銀五萬交登萊矣今適當財用匱乏之時
又值夏秋交承之際若欲以三十萬米豆與十

萬金錢刻期取辦而後發勢必不能且恐遲悞
則夫乘風水之順便先儘現在民船米豆及餉
銀酌量過發先爲毛文龍接濟餘候淮船過津
再行速發於計甚便自古師行糧從未有淮兵
尚在淮濟而先饋糧數千里歷溟渤之險以待
於異域者也除臣一面咨會本部督餉侍郎行
該道速選慣海民船一百餘隻裝載米豆併發
餉銀三萬兩速委運官速定運脚刻日催發外
擬合

題覆恭候

命下行各該衙門一體欽遵施行等因天啓二年六
月初五日等具題初八日奉

聖旨是欽此

嚴追天津陸運欠銀報部疏

題爲查報天啓元年天津陸運銀兩完欠實數事
專理新餉山東清吏司案呈奉本部送戶科抄
出專督遼餉戶部左侍郎兼都察院右僉都御
史李 題叅委官胥國相等侵欠陸運腳價安
家等項錢糧并議分三項查追緣因奉

聖旨戶部知道欽此欽遵抄出到部送司案呈到部
爲照嘗聞之千里餽糧士有饑色則兵之需米
豆等糧也亦孔棘矣然米豆之必陸運而陸運

言音奏疏 卷之三
之必覓車夫也是節宣民力之微權也其運載
之必車頭而車頭之統以委官也是提綱挈領
之要務也况出關不出關之異其程四錢一兩
之異其價輕車重車之異其等區畫周詳體恤
備至固覲糧之鱗次而前魚貫而進以果士卒
之腹以張撻伐之威蓋不啻雲霓之望而飲食
之思也詎意有貪黷存心怠緩從事如委官胥
國相王溥魏廷芬高挺周盛時張蘭芳舒應魁
其人也者夫胥國相等業已攘臂奮袂爲

國家效輸輓之勞自應戮力洗心使軍士得飽騰
之用奈之何錢糧到手任意拖延一年之間前
局未結有未出關者有未到關者有交納而掛
欠者又有從未裝載者總除陸續完過外胥國
相則共該追銀八千五百二兩一錢七分王溥
共該追銀一千六百七十三兩一錢九分七厘
魏廷芬共該追銀一千五百二十九兩六錢高
挺共該追銀二千八百五十六兩四錢二分五
厘周盛時共該追銀八百六十二錢九分五毫

張蘭芳共該追銀一千八百七十四兩一錢舒
應魁共該追銀八百一十六兩九錢五分總諸
人而計通共該追銀一萬八千五十八兩七錢
三分二厘五毫矣噫嘻諸人或係武弁或係邑
宰同有人心同憂國步曾不思邊疆何地糗糧
何物轉運何時運糧一石便費一石之金錢運
到一石方得一石之實用各處湊辦而供之一
粒一膏血也三軍急需而用之一粒一命脉也
載運及時則大旱之喜甘霖也推輓後期則餓

魚之汲西江也當此三空四盡蒿目疾呼之時
能堪此等之耗蠹乎今督餉部臣以領安家脚
價查已未出關分別三項議追誠爲情法兩盡
本部無容再議但查四十八年之陸運奏繳于
天啓二年之正月今天啓元年之陸運奏繳于
二年之五月時日稍迫查對難清或實收之未
繳或續運之當收此時急爲追求彼反得以借
口合無數月之內暫寬之以自新之路假之續
完之期仍責令該管司道勒限嚴比庶糧額不

致逋負而於軍需不無裨益矣既經具題前來
相應覆請恭候

命下本部移咨督臣餉部轉行司道即將胥國相王
溥魏廷芬高挺周盛時張蘭芳舒應魁等各名
下拖欠銀數分別勒限嚴追抵作津門商價及
赴關運價仍將追過銀數明白報部以憑銷算
施行等因天啓二年六月十九日具題二十二
日奉

聖旨是欽此

對發川貴帑金疏

題爲賊勢復張巖城疊陷蜀事萬分危急軍需一
切匱虛懇乞

聖明亟發帑金專官解運以救危疆以固人心事專
理新餉山東清吏司案呈奉本部送戶科抄出
該本部題前事奉

聖旨內帑空虛姑念蜀黔危急准再發二十萬兩給
與四川十萬兩給與貴州其湖廣遼餉亦照此
數動支分給督撫各官還嚴行查覈不許冒破

仍督率將吏協心進剿毋得逗留觀望虛糜錢糧欽此欽遵隨于本月十三日該本部四川清吏司署司事主事隋不矜等領出前銀暫貯新庫聽候差官起解間案呈到部該臣看得西南未靖致煩

皇上宵旰再發帑金接濟誠洞見小醜卽可以計日削平而臣部新餉尚不能供其分用故頻出大內之藏以佐闡外之需則臣部與諸將士實共受其賜計

天語流傳璧壘生色臣敢不奉行惟謹第思征西將士望餉誠急而道路綿邈賫解難前目今湖廣加派方令之飛輓北來而

帑金差解又欲其星馳南下微獨驛遞多兩番之苦累且覺程途有逾時之遷延臣尤慮其彼此兩悞也臣恭繹

明旨內云湖廣遼餉亦照此數動支分給及查湖廣加派每年該七十四萬有奇除已前題留外尚未完二十七萬餘兩其在本年全未解到儘足

按數相抵臣故敢爲通融之法請留

帑金于新庫以抵該省應解之數而于三十萬外再令動支三十萬分解川貴以抵

帑金之數則在臣部既不苦于遠汲而在該地方亦不等同于望梅事旣兩便而接濟且甚速料督撫諸臣與臣部必有同心矣除臣部移咨督撫衙門知會仍差辦事進士李春旺前去該省布政司守催起解外理合題

知

天啓二年六月十九日具題二十日奉

聖旨該省兵餉甚急帑金着作速解發十萬兩與四川五萬與貴州更十五萬兩着湖廣卽照數對支不得遲延欽此

預備豆舡疏

題爲運務事專理新餉山東清吏司案呈奉本部
送戶科抄出專督遼餉戶部左侍郎兼都察院
右僉都御史李 題前事等因奉

聖旨這所奏着該部行經督及督餉官議定行內府
錢糧布絹顏料香蠟等項俱係額定上供及京
官軍勇冬衣布花皆難缺少着照舊規行欽此
又該督餉省直巡按監察御史江日彩題同前
事奉

聖旨已有旨了該部知道欽此欽遵通抄到部送司
案呈到部看得嚮者廣寧兵十三萬馬止六萬
計六萬馬歲止用豆七十萬今兵馬逃潰入關
兵止六萬餘人馬騾止一萬一千一匹頭卽
有續賣續到未可預定然亦預備二三倍而止
今海運已發過二十餘萬再得八萬石便足今
歲之用矣乃今召商之豆多至四十餘萬俱欲
本部發價給買殊覺非便蓋豆至四十萬每石
以六錢五分計之可用銀二十六萬今東傾西
陷四盡三空卽罄新庫之藏尚不足供買豆之
用此不便者一矧豆與米相較則豆難久貯黃
豆與黑豆相較則黃難久貯商人之豆率多插
水帶濕萬一曬颺不時收貯無法浥爛可虞此
不便者二又况徵貴徵賤物理之常今雨暘時
若秋必大穰新豆一石纔可直二三錢耳計豆
十萬石可省銀三萬餘兩若四十萬石可省十
二萬兩祇今帑藏告匱銖兩猶惜乃欲以十萬
金錢輕擲之三月之內此不便者三倘念彼諸

商雖以射利之心而來亦以急公之名而至合
無稍爲調劑查其批文有據者照依時估將黑
豆收買十萬餘石其餘併黃豆示令隨便發賣
自天津至京師民間用豆爲醬爲腐奚啻百萬
奚必壅聚天津索高價于官府也至舡隻運載
可省陸運什之五六米豆旣減舡亦似可減矣
但思散之甚易聚之甚難且海上風波漂磕難
料倘一旦恢復有機糗糧告急能必一招而雲
集乎津舡造自民間旣堅牢自當久用而淮安

之舡宜留之沿河以備淮充買米之用江浙之
舡宜暫改兵舡以待臨時呼用之需若前督臣
文球借舡百隻雖多星散于廣寧旣失之餘然
攬運何人督運何官固可按籍而查也餉部方
欲移容兵工兩部量改兵舡詎意有徑投水營
私相授受如成希美戴承選其人者嚴提重究
以誠將來豈顧問哉凡此皆餉部周詳久遠之
慮當行令經督二臣亟爲酌議者也若夫改折
一事

廷臣言之屢矣卽臣數日前披衷入告未蒙

俞允然臣竊以爲人情于天下之物外者多入不見
爲有餘內者少出卽見爲不足總內外合出入
而視之則自不啻有餘不足之見矣

內府顏料布絹香蠟之類積之徒爲朽蠹之餘而
有用化爲無用折之可資軍

國之需而無用還爲有用如日

上供難減則惡衣菲食者千載稱聖如日賞賚不敷
則執銳披堅者更當優恤據稱可充一年邊餉

則德在軍可免一年加派則德在民此臣所以
因兩臣之疏而再補牘者也懇乞

皇上俯從所請

亟需改折之恩其買過商人黑豆責令贖餉司用心
收貯勿致沓爛其各處舡隻留用改用等項仍
行令督餉部院會同經督二臣查議酌定施行
則足食足兵剪滅奴酋端必繇此矣臣等無任
激切待

命之至等因天啓二年六月二十四日具題二十七

日奉

聖旨這奏內黃白蠟香金箔顏料布絹十庫等項錢糧屢奉明旨着遵行餘依議欽此

添兵留餉疏

題爲東省兵力原薄戡亂聲援難繼懇乞

聖明添兵留餉以蕩妖氛以固疆圉事專理新餉山東清吏司案呈奉本部送戶科抄出巡撫山東等處地方督理營田提督軍務兵部右侍郎兼都察院右僉都御史趙彥題前事又該山東巡按監察御史王一中題同前事內稱妖賊猖獗黨衆兵寡今日事急回當召兵以討亂他日事平尤當設兵以善後應于省城再添兵三千名

言音奏疏 卷之三
馬一千匹臨清德州各加兵一千名馬三百匹
兗州濟寧沂州曹州四處各添兵一千名馬二
百匹共添兵九千兵馬二千四百匹月糧草料
欲干起運錢糧內留十五萬充用等因俱奉
聖旨該部知道欽此又該禮科給事中熊奮渭題爲
亂民與變星并見逃官與逃將交聞全東剝膚
鄰省喪膽懇乞

聖明逮罪正法添兵足餉以消異變以整殘疆事奉
聖旨東省添兵留餉撫按官原奏下部併江北河南

兵餉一併議覆餘俱有旨了該部知道欽此欽
遵通抄到部送司案呈到部該臣看得東省爲
神京左臂當遼陽初陷臣嘗建議謂萬一胡騎長
驅東省撫臣宜提兵移駐德州以資捍衛蓋國
勢倚賴若斯之重也撫臣亦嘗于會省德州議
增兵一萬五千未幾卽調發于登萊而內地猶
覺單虛今白蓮邪賊忽發于兗鄆滕鄒之間破
邑圍城劫僂甚慘撫按二臣一面發兵勦補一
面議請于會省臨德兗濟沂曹等處共增兵九

千名馬二千四百匹桑土綢繆豈爲過計第欲留起運錢糧十五萬以充月餉似應酌議查得近年起運拖欠頗多各邊額餉勢不能供卽如東省自天啓元年以前各項欠至一百五十五萬六千餘兩該撫按旣不能督催完解又欲爲地方留用獨不爲荒塞窮卒慮枵腹乎案查泰昌元年十一月內該東省撫臣題爲東省不可無兵等事議要添兵九千護海運壯聲援該本部題覆准以撫按贓罰銀一萬二千兩事例銀

五千兩本折黃蠟銀二十四萬兩及抽扣各役工食約三萬兩共計五萬餘兩聽作月餉已經奉旨未及施行旋于天啓元年五月內因遼瀋繼陷本部題覆爲山東河北增兵等事准留該省加派銀二十七萬併民運十三萬共足四十萬兩以爲登萊新兵糧料之用尚存加派銀十七萬八千餘兩爲東兗召買米豆之用而前項五萬餘兩向未動吏惟事例一項間嘗有解部者本年二月內廣寧再陷撫臣有邊妖日熾一疏

乞留本年存剩召買銀十七萬八千餘兩以備
兵馬入援之用因錢糧不敷未經題覆今臣等
議得起運必不可留召買稍可少減合無量將
此項銀內動支五萬兩再將前項贓罰事例黃
蠟抽扣等銀五萬餘兩共足十萬兩聽該省留
用以爲增設新兵糧餉如不足用除會省兗州
臨德兵數外若曹沂各道或止量增數百加以
團練鄉勇聲勢相聯亦足以坐銷萌釁若濟寧
河道軍門原編有河夫工食頗裕宜于近河添
募壯丁二三千名居常夫卽爲兵日訓習于干
戈遇修河兵卽爲夫暫從事于畚耨此無待議
餉而兵自足實控制咽喉之長策也至于見存
召買銀除留五萬外僅存十二萬八千餘兩而
被兵數處復行酌免則召買更須湊處其他各
項起運錢糧拖欠數多仍乞

天語叮嚀責成撫按同心體

國內之蚤定潢池之禍外之無貽脫巾之呼邊腹
俱安而後

神京無憂杌杌矣恭候

聖明裁奪容臣移咨撫臣准留召買米豆銀五萬及
贓罰事例等銀五萬以充添設兵馬之費其餘
起運新舊各項錢糧仍依期完解併咨總督河
道衙門聽其酌議增兵處餉以爲漕運永賴及
咨都察院轉行巡按御史一體遵照施行臣等
無任惶悚待

命之至等因天啓二年六月二十六日具題二十九
日奉

酌議鮮運疏

題爲朝鮮運道險遠登萊假途更捷謹因人言再
爲折衷祈

勅該部從長酌議以資策應以便轉輸事專理新餉
山東清吏司案呈奉本部送戶科抄出督理遼
東糧餉戶部右侍郎兼都察院右僉都御史
畢 會同提督省直援遼軍餉事務巡按監察
御史江日彩題前事等因奉

聖旨該部知道欽此又該巡撫登萊等處地方備兵

防海賚理征東軍務兼管糧餉都察院右僉都御史袁可立揭爲海外之需餉甚急運事之議更非便懇祈

勅部仍舊責成以省紛張以安人心以免耽悞事各到部送司案呈到部爲照鮮運改登之議臣部向時亦以所運不多慮其多事第以東省原有留充買米銀兩或可就便買運以省脚費故止于咨行督餉臣裁酌耳今據督餉巡餉二臣會題前來若以爲極便而不知臣部視以爲極難

也何者該省召買之銀旣云專買粟米以備北兵則鮮運所需于登者必臣部另發多銀而後可乃臣部除餉軍之費卽近日飼馬之草價且不能完况又分爲登地買米之用乎津門有餘米而不運登郡現無米可運又無餘銀可解以供另運卽移津米至登其往返之費亦與自津起運者畧同况事費轉摺又必再議運官再議運船尤多稽遲何如以津門現在之運官現成之船隻駕輕就熟徑赴鮮地之爲便也此臣所

言音奏疏 卷之三
以再四籌度而以爲難者也臣非不知登之視
津委爲便計惟以登無現貯之米湊手之銀其
中事體一一從頭又做恐本欲速而反遲本欲
省而反費本欲就近而反耽延臣是以不敢耳
請乞

皇上仍

勅督餉部臣及巡餉御史將今歲鮮糧仍照舊于津
門起運其所需腳價及應給折色容臣部再遇
外解稍充便行奏濟施行臣可勝待

帑金十萬乃臣部兌留川貴充餉之

帑金也除差官曾守身等解發四川十萬兩貴州
五萬兩外兌留十五萬兩藉令山海無虞詘之
外解輓輸依期此十五萬金者臣部豈不緘滕
而守亦可以備

皇上不時之需乃妖賊披猖扼運道之吭江南財賦
以路梗難前太倉如洗新餉全虧榆關逼近

陵京敢不計先肘腋經臣慮殷庚癸敢不蚤應燎眉
前項兌留銀十五萬兩已行山海差官領十萬

言音奏疏 卷之三
兩天津差官領五萬兩臣等憂深仰屋術乏點
金將何以舒

聖衷之遐慮救滇土之卮危乎竊意黔蜀告急

皇上下不恡數十萬以濟軍興今滇省孤懸天末忍不
以十萬之金錢保西南之半壁也用敢補牘上
鳴懇乞

聖明憐危疆不容緩之需察臣部不得已之

請亟發帑金十萬前往接濟庶全滇獲免累卵之憂
黔蜀亦藉輔車之倚今道塗梗塞輦金無從恭

候

命下照臣原疏於廣東動支遼餉十萬兩行兩廣總
督差官取道田州星夜速解所發

帑金留抵廣東應解遼餉之數咨行督撫各衙門
一體遵奉施行臣等無任惶悚待

命之至等因天啓二年七月初四日具題初七日奉
聖旨帑金已有旨了其援納鑄錢着行與該督撫按
官隨宜調度以濟軍需欽此

催叅拖欠錢糧疏

題爲亟催未完銀兩接濟急需事該本部題專理
新餉山東清吏司案呈加派遼餉自天啓元年
以前三年通算原係緊急軍需竊意各省直卽
于當年完解在各地地方官俱有及時之入在本
部可無遠水之慮不謂叅者自叅而未完者仍
未完也今查自天啓元年以前在浙江尚欠有
二十七萬二百一十六兩九錢五分五厘二毫
九絲二忽在江西尚欠有二十一萬一千三十

五兩一錢八分八厘八毫陸絲在山西尚欠有
三十八萬四千三百一十二兩七錢四厘八毫
九絲五忽在陝西尚欠有一十三萬四千四百
九十兩一錢八分七厘二毫在廣東尚欠有二
萬六百七十八兩六錢二分二厘九毫四絲在
廣西尚欠有六萬九百一十七兩六錢一分一
厘六毫在應天府尚欠有三萬三千二百五十
八兩二錢二分七厘一毫在蘇州府尚欠有一
萬二千五百八兩六錢三分七厘二毫七絲在

常州府尚欠有壹萬四十四兩一錢四分五厘
五毫在廣德州尚欠有一千七百八十四兩六
錢二分五厘三毫二絲零在盧州府尚欠有二
萬六千六百一十四兩二厘四毫七絲五忽在
鳳陽府尚欠有六萬一千一百五十三兩五錢
九分九毫八絲二忽五微在淮安府尚欠有一
十三萬六千六十二兩九錢三分三厘六毫在
揚州府尚欠有九千五百三兩四錢九分一厘
一毫一絲三忽在徐州尚欠有一萬四千九十

言部奏項 卷之三
一兩九錢四分三厘三毫三絲在順天府尚欠
有一萬三千六百六十三兩六錢二分五厘六
毫零在保定府尚欠有一千九百六兩一錢七
分六厘八絲在河間府尚欠有二萬七千三百
六十七兩七錢九分八厘三毫五絲九忽在大
名府尚欠有五百九十兩九錢一分一厘六毫
庫貯空虛軍腹難果本部別無措處而省直敢
狃因循本當按法將未完該司府官先行從重
叅處但查有本處支用開銷未到者各官平日

既不報部其應否開銷本部又無所據以定奪
開除之數若槩作未完重叅恐猶無以報各官
之心相應題催凡未完地方近者俱限三個月
盡數完報兩廣再寬一月卽有本處支用一須
聲說分明應除應補俟本部斟酌查算過限卽
行從重叅處無徒任其不理使司計者大聲疾
呼而不以應等因案呈到部該臣看得臣部卽
職司錢穀豈能別有點鐵之術亦惟是藉民力
以供公家藉司府以資轉輸其不亟爲催辦則

臣部之罪也其屢行催辦至于唇焦頰禿而不
爲飛輓則各地方亦何詞之與有今邊報且急
催檄如雨苟有急公之心卽本年分當完其半
而况于已前乃至欠數如此之多乎夫人臣食
祿

皇朝而不思爲

朝廷盡本等職業漫託撫字之勞安然催科之拙
開士卒囂凌之風損

國家撻伐之威臣不知諸臣于清夜自反何以對

君父慊隱衷也據其因循怠沓之極卽指名特叅似
不爲苛特以各處尚有本地支用錢糧未經開
報明白遽從論列徒爲後來展脫之地合如該
司言再請

明旨嚴限以三月內全完兩廣途遠姑限四月其以
前爲遼事支用者亦須列款開具應否算作遼
餉之數亦從本部核實乃不匆出多門致滋閃
躲過限者卽從重叅處以爲營私緩公之戒再
照臣部之所以督責有司者亦惟是考成一法

乃考成行而各官猶不急爲奉行者以罰輕而人不知畏卽罰重而人可幸脫也今天啓二年已入七月而本部加派至者惟有浙江之一萬五千五百八十四兩有零其餘尚無消耗長此不已悞

國匪小近日諸臣猶紛紛請蠲加派益重各地方觀望不前之心不知目前軍需不繼諸臣敢一力擔承否臣尤請自今以後凡各官但以緩公營私被叅者卽于錢糧完日開復僅准陞遷不得優轉其非錢糧實實到部者該撫按不得徇情奏

請開復在吏部亦不宜借言憐才優處緩公營私之人以廢臣部職掌臣部亦不時摘叅緩公營私之尤者以嚴

功令于郡國更祈

天語申飭俾各地方官有以終事而臣部藉以無悞
軍

國臣實有至望矣等因天啓二年七月初六日具

題初九日奉

聖旨國儲匱乏軍需緊急如何各省直拖欠甚多着各該地方官嚴催速解應用不得違慢取究

捐貲助餉疏

題爲目擊時艱衷懷國憤恭竭微貲少充軍餉事
專理新餉山東清吏司案呈奉本部送戶科抄
出直隸徽州府休寧縣冠帶儒士今加納候題
中書舍人黃自芳奏稱臣以謫末幸生

聖明初納冠帶儒士肄業儀曹素懷捐報切照奴僉
肆逆以來烽烟日舉糧餉莫支旣不得執戟荷

戈爲

皇上效半臂之力而耿耿報

國一念有憤激不能自己者用是竭蹶南來遵例
加納

文華殿中書舍人例應候題入殿辦事但念臣孱
弱微軀不諳任務雅懷報

主之心實無戀組之志且臣家世儒素泳沐
皇仁當此

主憂臣辱之時正宜畢力效忠之會捐助公家少輸
忱悃謹照中書舍人汪鏞楊之驊等例備穀二
千石折銀一千兩少助軍餉以抒區區佐

國一念伏乞

皇上勅下該部俯給咨文勒令容臣親賫赴督餉衙
門交納仍行吏部准臣致仕回籍庶草野獲申
報

主之私鼓勸益張撻伐之氣等因奏奉

聖旨黃自芳捐貲助餉尚義可嘉該部知道欽此欽
遵抄出到部送司案呈到部看得黃自芳日擊
時艱心懷公憤輸粟佐餉信足以愧錢虜而作
忠悃者查本部先日題

准事例凡士民輸銀八百以上題給六品散官名
色給扁禮待官爲監坊量免二丁今自芳原係
候題中書今又輸銀千兩已踰八百之外矣且
稱不願就選休致回籍則高尚尤爲可嘉卽於
應得官職再照例加授六品虛銜用以開尚義
之門示急公之勸似不爲濫旣經具奏前來相
應覆

請恭候

命下臣部移咨督餉衙門知會仍劄黃自芳賞銀

去交納候銀完日庫收到部移咨吏部照議建
銜仍行文原籍照依部題事例建坊旌獎其所
用夫馬勘合知會兵部照例酌行等因天啓二
年七月初十日且題本月十三日奉

聖旨是

選任司屬疏

題爲遼餉徵發甚艱司官綜理需材比例選任以重責成事自有遼患以來

廟堂諸臣所感額而嘔心者惟遼餉不足爲憂加
派至於再三搜括析於毫忽乃催徵不前歲甚
一歲如畫餅不可以療饑也遼疆雖去內備更
危士馬日見增加蜀黔又索分餉雖鄧林不能
供野火也臣早夜圖維心力俱竭然臣所總籌
者多憂有無之數後先緩急之節而已至文移

之上下錢穀之出入徵解而催檄如雨轉發而
四應如馳勾稽欲虛濫必清銷筭欲錙銖不爽
千端百緒繩亂絲棼所藉以分猷共念呼吸之
卽應左右之咸宜者惟專理新餉山東司郎中
是賴顧其人未易得也必秉志忠勤而後可以
貞幹必抱識沉朗而後可以當機必精力強固
而後可以持久前者郎中楊嗣昌歷任一年零
八個月勞績獨多而因勞至疾不得不告歸矣
嗣昌瀕行薦主事楊國柱以自代臣試之署事

將二月於茲見其幹理精勤稽覈詳審遂商之
吏部欲得補該司郎中員缺不意其先一日轉
廣東司員外郎也查得本部京通二倉郎中缺
卽於司屬中選擇題用國柱於新餉材旣相宜
由員外轉郎中資正相應合無比例請

勅吏部卽以國柱陞授山東司郎中專理新餉庶佐
理得明練之材邊疆有宿飽之望再照太倉歲
入金錢不及四百萬而分理於十三司今新餉
徧徵於省直數至六七百萬則一人兼十三司

之事且出納加一倍矣此官執掌盡瘁與優游
積資者懸異若值陞遷之日或安攘奏功或勞
勩久著當聽吏部酌量破格於京堂叙用則獨
賢不致興嗟忠智爭相奮勵此實體羣臣以勸
報稱之善經也乞併

勅吏部題覆施行天啓二年七月二十二日奉
聖旨吏部知道

類報淮津截漕海運完欠疏

題爲類報淮津截漕海運完欠數目事專理新餉
山東清吏司案呈奉本部送戶科抄出專督遼
餉戶部左侍郎兼都察院右僉都御史李
題前事等因又該督餉省直巡按監察御史江
日彩題同前事俱奉

聖旨戶部知道欽此欽遵抄出到部送司案呈到部
看得遼餉之改淮運而入津戒心于風濤爾邇
來猾解滋奸實繁有徒非擲而投魚龍之窟則

委而棄沙磧之場坐使灶多寒烟士鮮宿鮑自
非加意綜核弊固未易剔也頃據督餉部院具
數

奏報該臣題覆間續准督餉部院于六月十七日
移咨改正原數前來查得原疏內繇河運津除
漂流及守凍漕米撞損米三千四百三十六石
九升九合八抄五撮四圭又除委官徐弘諫原
押山東掣回繇河米二萬二百六石七斗一升
二合三勺本官緣事改委閔萬慶宋承祖押運

未到外實到津米二十一萬七千七百五十八
石四斗四合三勺一抄四撮六圭又四十八年
淮海發運守凍後因遼陽失陷掣回繇河米一
千五百一十六石二斗五升六合四勺又帶天
津新增截漕糧二千五百三十二石八合總計
到津轉運赴遼米共二十二萬一千八百六石
六斗六升八合七勺一抄四撮六圭改正實計
過海米二十二萬二千四百九石一斗五合八
勺八抄八撮四圭如原疏內已交納河東堡右

屯衛等處取有實收米一十九萬五千七百五十一石七斗三升一合五勺六撮九圭八粒今改正米一十九萬五千七百五十一石七斗二升九勺六撮九圭八粒則應准存案者也原疏內天津海口守凍米五千三百二十一石七斗一升一勺今改正米五千六百一十七石九斗二升六合則應備再運者也原疏內甌戶掛欠米五百三十一石二斗四升九合則應亟爲追補者也原疏內已交因入冬守凍值虜未投實收米

八千六百三十五石一升八合三勺多交餘米二千四百二十一石肆升三合一勺九抄二撮三圭八粒今改正已交未投實收米八千九百三十五石一升八合三勺改正多交餘米二千四百一十四石八斗一升一合三勺一抄八撮五圭八粒應查其實收有無續到再爲議處又原疏內失風漂流米一萬二千九百八十八石三合則應徑行豁免者也至徐弘諫等三人領運山東掣回繇河米三萬二百六石七斗一升

二合三勺稽延二載訪知催押前來止報米一萬六千九百八十八石七斗八升一合三勺九圭一粒其中揚折漂失浥爛不堪并舡戶掛欠者共一千七百八石一斗八升六合實在乾潔米一萬五千二百八十八石五斗九升五合三勺九圭一粒尚少原領米一萬三千二百一十七石九斗三升九勺九抄九撮九粒明肆侵盜應從重究而原委催督之官一任稽延宜併行叅提既經會題類報又經查明改正前來相應依

議覆

請恭候

命下容臣移咨督餉部院并咨都察院轉行督餉御史將徐弘諫等三員併催督何官查明分別嚴處其淮上運剩貯倉米二萬四千五百二十八石五斗七升二合五勺行令該道于買米舡內帶運至津再照淮津之舡既異且米豆之數頓減是在督餉部院斟酌多寡定議去存務期舡必堅緻庶柁工揚帆不至徒駭奔浪與水濱爭

言部奏疏 卷之三
一旦之命將漂失可杜而運事永賴矣等因天
啓二年七月二十六日具題二十九日奉

聖旨是欽此

請免加派仍歸本部疏

題爲欽奉

聖諭仰見

儉德光昭

慈仁徧軫敬效颺言懇祈

擴充善政以亟奏安攘事項于本月十二日閣臣抄
奉

聖諭一道傳發到部臣與同官二臣莊誦恭繹以
封妃大典所用錢糧免行部辦特於內庫查造應用

言音奏疏 卷之三
且倦倦於軍民之塗炭加派之重征明

聖旨節匱惜財戒臣下軍需糜濫大哉

皇言真

節用愛人之盛心爲堯爲舜之芳軌也一時大小臣
士無不手額相慶而臣部恭承

渙汗欣躍倍常敢不宣布

德音昭示海內臣民以對揚

聖天子之庥命然臣等竊有進焉昔帝舜與禹臯諸

臣謨謀于一堂日勅天之命惟時惟幾乃歌曰

股肱喜哉元首起哉百工熙哉此帝舜之交儆
于臣也

皇上今日之傳諭實似之矣臯陶拜手稽首颺言曰
念哉率作興事慎乃憲欽哉屢省乃成欽哉乃
賡載歌曰元首明哉股肱良哉庶事康哉此臯
陶之責難于君也臣等敢不竊效陳一言于

皇上乎夫自奴酋發難蜀黔東魯騷動加派重征民
不聊生

皇上旣明于觀火矣臣前具疏爲民窮萬分可矜加

派萬非得已請乞申飭有司崇節愛以裕催科

更請

皇上躬先儉德酌裁省以濟詘乏而未蒙

槩允今內用錢糧從內節用惟恐外辦爲民累軍需
錢糧欲隨處樽度亦惟恐派餉爲困則臣儉德
之言或亦少當於

宸衷矣近數月以來中外諸臣奏苦加派者章滿公
車或出於撫按庶僚或出於各省京宦或言槩
免言量減豈其重封疆而忘

社稷之慮先桑梓而後

君父之憂毋亦曰民惟邦本本固則邦寧耳臣等竊
叨

國計民生之任養民養兵當交竭愚慮今所願陳
於

皇上者亦惟是仰承 德意再申

儉德之請願

皇上擴充之而已如金花原係外庫錢糧

祖制甚明卽節省一半還之臣部照舊濟邊可得五

十餘萬而賞賜未甚虧也光祿

內供節省三分之一可得十餘萬而

玉食未嘗損也十庫雜料等項改折一半可得二

十萬而好用未嘗乏也

龍袍織造節省三分之一可得二十餘萬而服御

未嘗少也或曰

皇上仁儉天縱何靳於轉圜第內侍有鋪墊諸費未肯遽省臣竊謂內侍中亦有明義理知詩書者倘念及時勢艱危其忠義真心亦勃然不容自

已寧肯爲小利妨大計也臣等又惟頃歲地畝加派兵工二部分用一百二十萬爲募兵安家造噐之需原議募兵完日仍歸臣部以充兵餉倘前者節省之請

皇上慨然俯允合此一百二十萬共計可二百二十餘萬盡以餉兵其於加派重征或可少蘇則請下明詔自天啓三年始地畝加派減免三分之一每畝九厘止徵六厘暫與小民休息俟遼事寧日悉行暫止而又飭有司之節愛以養吾民禁

言音考疏 卷之三
債帥之虛濫以養吾兵此一舉也需

九重雨露之恩慰萬姓雲霓之望將率土臣民咸祝
萬年麟趾之慶而人心既固

聖武益張

祖宗金甌全盛之天下可恢復於會朝矣臣等竊窺
聖度如天因

封典一事之節省推而為數事之節省非難也且時
值公私交匱不得不出於此卽今日不聽臣言
他特計必出於此伏乞

皇上俯鑒愚忠亟美輔臣商確

蚤賜允行庶人心蚤固一日天下蚤安一日臣等下
情無任惶悚激切待

命之至天啓二年七月二十六日具題二十八日奉
聖旨海內民困諸臣各念其鄉奏免加派朕以天下
為家視民如子豈不軫念但軍興需餉方惠稍平
自當報罷撫按各官果能嚴禁有司火耗侵漁饋
遺諸弊小民何至重困覽奏具見苦心兵工二部
分用銀兩仍歸爾部國計日詘還從長調劑其袍

服金花監庫內供錢糧歷來舊額不得屢形章奏
歸過朝廷欽此

鹽司增餉疏

題為敬因 廷議先酌鹽司增餉事宜懇乞

聖明嚴勅當事諸臣盡出公忠體

國之心各講通變濟時之略以期成效以破積私

事專理新餉山東清吏司案呈奉本部送戶科

抄出提督軍務兼巡撫福建地方都察院右僉

都御史商 題前事又該巡按福建監察御

史鄭 題同前事俱奉

聖旨戶部知道欽此又該總督兩廣軍務兼理糧餉

帶管鹽法兼巡撫廣東地方兵部右侍郎兼都
察院右僉都御史胡 咨前事等因又該巡
按福建監察御史鄭 揭爲釐夙弊以垂永
利乞

勅俞定長計以固人心事俱各到部送司該本司看
得前任郎中楊嗣昌因會議而酌鹽司增餉之
多寡者區畫之苦衷也該督撫按臣爲地方而
酌減損於原數者救時之深心也顧數不可以
太縮而勢有難于取盈則有不得不更爲斟酌

者如福建一省原議增銀四萬一千五百七十
兩二錢九分零今據稱東南二路與潯浞泃三
處難以再加欲于西路加引五千計引餘幫封
銀共九千七百一十八兩零似爲太少查該省
有漳浦詔安海澄之鹽照包徵餉銀二千三百
一十八兩一錢五分欲留貯本省以備不虞但
今東事急在燃眉方在搜括豈容私留應併入
新增之數者也再查巡按御史鄭 題稱窩
引抵派計新舊二萬五千引每四百道爲一封

每封計銀四百兩可得二萬五千兩爲法甚便
但新引既歸新餉則新引之窩引亦當併入共
計該銀一萬七千三十六兩一錢五分解入新
餉其舊引二萬兩則姑留作該省抵派之數固
兩便也如廣東一省原議增銀九萬一千二百
四十二兩八錢八分三厘四毫六絲六忽今據
稱粵鹽每引徵鹽一千八百餘斤徵銀一兩三
四錢與減斤配引之法名異實同欲照舊爲便
又稱地曠人稀黎獠爲患難足新額止將節年

留用五萬兩起解充餉查該省原留七萬三千
四十九兩一則曰充餉再則曰抵稅是此銀兩
全爲該省留用實在二萬三千餘兩常數之外
今該省抵據少解五萬之說便欲奏額數爲七
萬三千餘兩之數不知文內所開抵餉充稅者
何不止云五萬乎再查萬曆十九年該布政司
呈留三分充餉銀四千六百七十四兩九錢七
分則又通前數爲七萬七千七百二十三兩九
錢七分矣應俱充餉但該省于四十五年業增

銀一萬一千五百九十七兩入太倉除去此數
尚該銀六萬六千一百二十六兩九錢七分宜
作新增充餉者也蓋二省地僻途修情理誠難
遙度而往返又恐悞事固宜稍加更定從本年
爲始速行起解自非他省可援爲例等因案呈
到部該臣查得先因本部題爲前事業奉

聖旨這鹽司增餉事宜俱依議行待遼事平照舊欽
此業經行文該省去後今據題咨前來除見在
奉行各省不議外所請閩廣二處僻在天末人

情物理委難懸坐既有撫按題咨又經該司酌
議臣亦何難破從前之成心而不求民生

國計之兩便乎恭候

命下臣部咨行該省將福建更定新增鹽課銀一萬
七千三十六兩一錢五分廣東更定新增課銀
六萬六千一百二十六兩九錢七分俱是天啓
二年爲始行令一面辦課起解其福建額引內
窩引二萬兩准抵加派各爲遵奉施行臣等無
任惶悚待

命之至等因天啓二年七月二十八日具題于八月

初二日奉

聖旨是

覆請措餉疏

題爲二東原不可棄人情似棄二東伏乞

聖明軫念根本重地

嚴飭當事之臣無徇人便無惜少費以固封疆以安
宗社事專理新餉山東清吏司案呈奉本部送戶科
抄出巡按山東監察御史王一中題前事等因
奉

聖旨地方多事拯救宜急豈得徇情惜費這所奏銓
官措餉等事該部卽與覆行欽此欽遵抄出到

部送司案呈到部看得銓補官員自是吏部職
掌至于錢糧議留十萬臣爲遼餉計又爲該省
餉計幾畚抽繹動用十萬方恐分用于東者且
不足于遼而不虞該撫按之猶存乎見少也查
該省舊餉自天啓元年以前尚欠銀一百五十
五萬七千九百八十七兩二錢三分一厘之多
此于九邊缺額已甚加派自減免外每年僅四
十四萬八千六百八十七兩二錢五分五厘六
毫五絲四忽除爲登萊留過遼鎮民運銀一十

三萬三千三百九十兩五錢二厘五毫七絲九
微七纖七塵又留過加派銀二十七萬尙餘十
七萬八千六百八十七兩二錢五分五厘六毫
五絲四忽盡作該省于東充買米之用今所議
留者于內動支五萬耳豈謂東充三五處之被
兵遂將全省之五萬無從出乎至于贓罰黃蠟
及抽扣等銀五萬兩乃前覆該省撫臣王在晉
留用疏而該省尚未添兵故併及之其實十萬
之銀原爲議新添兵九千之費該省今日方急

于勦妖新添之兵固未可一朝立致也况衣甲
器械買馬之需又不專在臣部臣部又當空匱
之際卽今按臣設身處地亦難矣又豈有餘之
金錢專爲該省借費乎臣再惟該省妖賊未除
恐東道之不通非不日夜念之第准撫調來官
兵行糧已擬動輕賚銀保定暨天津各兵業各
持三月糧以往卽山東兵行糧亦議於米豆銀
內動支誠恐該省之難于措處一一爲籌畫周
悉則該省無甚費餉矣撫按二臣亦可以相亮

矣臣前疏業奉

欽依通行知會儘可無言但奉

旨該部卽與覆行故敢一申言之伏惟

聖明裁察等因天啓二年八月十二日具題十五日

奉

聖旨是欽此

勅經臣設處冬衣疏

題為請給冬衣銀兩以恤危邊寒苦事專理新餉

山東清吏司案呈奉本部送戶科抄出經略遼

東薊鎮天津登萊等處軍務兵部尚書兼都察

院右副都御史王 題前事等因奉

聖旨戶部知道欽此欽遵抄出到部送司案呈到部

為照經臣身征討之任而念及士卒之寒此其

心即與士卒同甘苦之心也使臣部之餉銀原

有賞兵之款臣何敢愛此數萬金不以充挾續之

用第其事不在臣部臣部又無可那用之銀臣亦無如之何矣查冬衣布花例止京邊舊軍若新軍糧餉既倍于舊原無另給布花之例即去年通撫密鎮曾請新兵布花臣部通行俱未准給又

朝議欲給折色于京軍而以布花給出關之兵事不果行雖撫臣王化貞曾給有皮襖舊經臣給有五六錢之差等皆于兵部犒賞銀支用於臣部無預若胖襖一項則又隸在工部臣部又不

得越俎而問即如經臣言計每軍一兩有軍六七萬人便須銀六七萬兩以臣部捉襟肘露之時雖計兵受食尚憂難給况轉而爲額外之求乎臣固有以知其不能也臣非不知東征將士感風霜而懷其顧臣部單寒之慮終不勝其枵腹之慮伏願

皇上亟勅經臣早自查例設處無槩過求于臣部其或

皇上軫念將士之寒苦裘帽之賜以次推之則又非

言言奏疏 卷之三
臣等所敢必也等因天啓二年八月二十六日
具題本月二十九日奉

聖旨是欽此

裁冗員省費充餉疏

題爲欽奉

明旨廣集 廷臣會議遼餉軍 國大計在此一舉
懇乞

聖明乾斷力行事專理新餉山東清吏司案呈奉本
部送戶科抄出巡按直隸監察御史易應昌題
前事等因奉

聖旨該部知道欽此欽遵抄出到部送司案呈到部
爲照地方有不可無之官無則闕人廢事而地

方受其害亦有不必有之官有則多官多費而
地方又受其擾故臣部前議裁冗員一節實以
事有可併不妨兼攝官有可汰無取充位實以
便公私而省財用也且以所省之財用卽爲新
餉用而可無重困于民也則裁一散員之冗又
不若裁一大吏之冗其省費爲尤多今御史疏
稱按屬各官無可議裁而裁府領以下五官如
太平府知事一員應天府河泊所官二員池州
府貴池東流河泊所官二員俱係冗設可汰臣
敢不服其節省之苦心相應如御史言各官俱
爲裁去將各官原設俸薪與夫人役之費俱行
該府扣留明白另文解部充餉少俟遼平卽便
寬減于民於事體甚便恭候

命下臣部移咨吏部查將見任各官俱行改選已後
員缺不必銓補仍咨都察院轉行巡按御史行
文道府一體遵照施行等因天啓二年八月二
十九日具題九月初二日奉

聖旨是



原件短缺

P63-P64

矣幸荷

皇上威靈獲脫萬死于一生得抵津關 臣意時維屆
嚴復罹凍阻株守蠶蝕貧甲奚堪 切固智不及
防力不能挽今倉漕二臣題據漕 仰道臣岳駿
聲詳據各把總衛所運官旗軍乞 照萬曆四十
七年水涸剝費准免尖例乞免尖 米備查每歲
漕運除漂燬損失數少責令賠 補外其大患風
濤漂沉之虞特開免尖之例以 示優恤之仁今
次運至馬莊彭口白河等處淺 剝不減上年而

又益之妖禍繼之守凍此誠二百六十餘年以
來古今所未有也較于四十七年旱涸剝費兩
情相較大相徑庭合無於妖賊未發以前幫船
原未經兵燹抵壩無難者不免山東遮洋二總
船糧俱非過淮遇寇者不免先留淮揚徐州未
經北上者不免截留天津未經株守凍阻者不
免總而論之俱照原疏內以五月十八日夏鎮
妖變起後被難稽遲守凍未經回南者委宜准
免至于各衛所大患漂流及領運臨清倉糧無
尖可免者俱應循例免耗二升以活旗軍其把
總各有職司如有屬欠糧數參降職級原有單
例今各把總自罹夏鎮妖變俱竭蹶盡瘁勞苦
十倍往年倘有屬欠合例宜施法外之仁後來
不得援此爲例既經倉漕二臣具題前來相應
照議覆

請恭候

命下容臣部移咨總督倉場及天津部院等衙門并
京通二糧廳及各該監督除漂患糧石照依舊

例筭補外將各總開呈遇寇幫次衛所官軍船糧尖米依議准免抵補掛欠以結本年運務庶貼危官軍獲蒙優恤之恩而人心咸知激勸矣仍咨都察院轉行倉漕各御史一體欽遵施行等因

天啓三年正月二十六日具題本月二十九日

奉

聖旨是欽此



